

ULLENSVANG

Strategisk næringsplan

2022-2024



Justert i medhald av kommunestyrevedtak 015/22 den 23.02.2022



2022-2024	0
Innleiing	1
Samandrag	2
Målgrupper for næringsplanen	2
Samskaping som utgangspunkt for næringsplan	3
Overordna føringar	3
Kommuneplanen	3
Måla i kommuneplanen	3
Prosess	4
Medverknad	4
Oppsummering og vegen vidare	5
Næringsplanen sin handlingsdel	5
Oppfølging av strategisk næringsplan	5





Innleiing

Næringsplanen har som føremål å skape tydelege og forutseielege rammer for næringsdrivande som ønsker å etablera og utvikla næring i Ullensvang. Den skal skildre prioriterte initiativ og kommunen sitt ansvar for å sikra utvikling av næringslivet i Ullensvang. Næringsplanen er ein temaplan, og blir ikkje handsama etter plan- og bygningslova.

Ullensvang kommune skal vera ein livskraftig og attraktiv kommune i Hardanger. Ullensvang kommune skal vera ein attraktiv stad å bu, arbeida og starta næringsverksemd. Her er fjord, fjell, fonn, frukt, landbruk, havbruk og verdsleiande industri i ein og same kommune.

Med lange tradisjonar for å utnytte naturgjevne ressursar, skaparglede og framtidstru, skal Ullensvang vera regionen sin føretrakne kommune for å etablera og vidareutvikla eit næringsliv som er framtidsretta og bærekraftig.

Samandrag

Strategiane frå kommuneplanen sin samfunnsdel legg føringar for korleis kommunen skal oppnå måla sine. Dei har ein medium tidshorisont på 4 år, dvs ein kommunestyreperiode. Ved kvart nye kommunestyre skal det gjerast ei vurdering av strategiane og deira effekt. Kvart nye kommunestyre skal utarbeide eigne strategiar basert på dei langsiktige måla og viljen til dei folkevalde. Strategiane er knytt til kommuneplanen sin handlingsdel. Strategisk næringsplan vil bli justert i samsvar med dette.

Tiltaka skal vere i samsvar med ein eller fleire strategiar. Strategisk næringsplan sin handlingsdel er omtalt i dette dokumentet.

Målgrupper for næringsplanen

Generelt sett er det politikarane si oppgåve å ta diskusjonar og vedtak på eit strategisk nivå, medan rådmann ivaretar detaljar og er utførande part for gjennomføring.

Kommunestyret: Næringsplanen er kommunestyret sitt styringsverktøy, der dei prioriterar og gjer kommunen sin innsats synleg, for å sikre god næringsutvikling over tid.

Kommuneadministrasjonen: Rådmann skal bruke næringsplanen som langsiktig tingingsdokument og grunnlag for handlingsplanar og prioriteringar.





Næringsverksemd: Næringsplanen skal gje private verksemdar grunnlag for å forstå kva dei kan forventast frå kommunalt hald.

Andre: Næringsplanen skal gje offentlege verksemdar, utviklingselskap og bransjeorganisasjonar grunnlag for å forstå kva dei kan forventast frå kommunalt hald. Næringsplanen skal fungere som langsiktig tingingsdokument og grunnlag for handlingsplanar og prioriteringar.

I utgangspunktet er det lagt til grunn at landbruk på grunn av sin omfattande struktur og særstilling i kommunen blir handsama i eigen plan. Ulike bransjar er i ein del saker samankopla, og slik sett vil nokre av strategiane og tiltaka i strategisk næringsplan ha landbruksrelevans. Det kan òg vera aktuelt at landbruksplanen utviklast i lag med strategisk næringsplan ved neste rullering av kommuneplanen sin samfunnsdel, då truleg i 2024.

Samskaping som utgangspunkt for næringsplan

Samskaping er eit nøkkelbegrep i framtidig organisering av norske kommunar. Det handlar om å finne nye måtar å samarbeide på når vi skal løyse samfunnsutfordringar i åra framover. Det handlar om å erkjenne at kommunen ikkje har eit eineansvar, men legg til rette for og har ei rolle i korleis samarbeid med innbyggjarar, frivilligheita og næringslivet fungerer. Dette er kjernen i det som kallast Kommune 3.0. I praksis betyr dette at ein næringsplan må utarbeidast i tett samarbeid med innbyggjarar og næringsliv.

Tiltak må forutsette ei sterk inkludering og samspelsforpliktingar frå alle aktørar; kommunestyret, kommuneadministrasjonen, utviklingselskap, bransjeorganisasjonane og næringsliv og anna offentlig verksemd.

Overordna føringar

Kommuneplanen

Kommuneplanen sin samfunnsdel (KPS) sine mål og strategiar grip inn i næringslivet og deira aktivitet. KPS har tilrettelegging for næringslivet som ein av tre grunnpilarar. Dette kjem tydeleg fram i måla og dei strategiane som har størst innverknad på næringslivet. Strategiane skal gjelda for perioden 2020-2024, og reviderast i samband med planstrategien for perioden 2024-2028.





Måla i kommuneplanen

I Ullensvang 2032:

- er BEREKRAFT GRUNNLEGGJANDE
- er kommunen ein AKTIV TILRETTELEGGJAR og PÅDRIVAR
- er friluftsliv, mat og kultur frå Ullensvang VERDSKJEND
- er LKR-sentra ATTRAKTIVE stader å bu, leve og arbeide for ALLE
- har me LEVANDE bygder og STERKE sentrum i UTVIKLING
- er turismen POSITIV
- er kultur-, idretts- og reiselivet INKLUDERANDE
- har me AKSEPTABEL INFRASTRUKTUR
- er næringslivet i UNIKT, ALLSIDIG og AKTIVT

Prosess

I kommuneplanen er strategiane bestemt, og vidare arbeid blir med dette tufta på kva som konkret er mogleg å gjera, og kva tiltak og satsingsområde som støtter opp under desse strategiane. Ullensvang kommune har stått for arbeidet med å bygge innsikt i problemstillinga. Det har i dette arbeidet blitt lagt stor vekt på å få innspill frå kommunen sitt næringsliv, kommunen og andre relevante kjelder.

Arbeidet og innhald i planen er basert på dei statistikkar, rapportar og overordna dokument som er førande for kommuneplanen sin samfunnsdel.

Medverknad

I samband med utarbeing av kommuneplanen sin samfunnsdel vart det gjennomført ein brei medverknadsprosess, der næringslivet tidleg vart invitert til å kome med innspel.

Det er gjennom innspelsperioden blitt informert om at kommunen ynskjer innspel på tiltak. Dette er gjort gjennom ulike møter, via bransjeorganisasjonane sitt nettverk, på kommunen si heimeside og i lokalavis som intervju og annonse.

Med utgangspunkt i kommuneplanen sin samfunnsdel skal prosessen med strategisk næringsplan sikre medverknad frå lokalt næringsliv. Dette gjerast med at lokale næringsaktørar bidreg med å koma med tiltak. Tiltaka blir sortert inn under dei strategiane der dei hører heime.





Oppsummering og vegen vidare

Ullensvang kommune skal kunne bidra til systematisk utvikling av sitt næringsliv. Tiltaka i dette dokumentet er viktige forutsetningar for dette. Næringslivet har ansvaret for eiga verksemd. Kommunen skal bidra med infrastruktur og tilrettelegging av tilhøva som gjer Ullensvang til ein attraktiv og god stad å driva næring.

Fleire tiltak vil ha plan- og budsjettmessige konsekvensar og må difor handterast som del av kommunen sitt øvrige planarbeid inn imot kommuneplan og budsjettprosess.

Næringsplanen sin handlingsdel

Tiltaka følger som vedlegg.

Oppfølging av strategisk næringsplan

- Nærings sjefen i kommunen skal ha oversikt over prioriterte tiltak.
- Dei prioriterte tiltaka skal vere førande for næringsarbeidet som vert utført i kommunal regi.
- Prioriterte tiltak skal følgjast opp av dei kommunale verksemdene/avdelingane som har fått ansvaret gjennom handlingsplanen.
- Prioriterte tiltak skal vidareførast inn i anna planarbeid, der det er aktuelt. Planavdelinga skal sikre koordinering av vidare planarbeid.
- Midlar avsett til oppfølging av strategisk næringsplan skal nyttast til prioriterte tiltak.
- Rådmannen rapporterer kvart halvår på status for prioriterte tiltak til politisk utval.

